

ქ. თბილისი

“20” “03” 2018 წ.

წინამდებარე ხელშეკრულება დაიდო ერთი მხრივ საქართველოს შინაგან საქმეთა სამინისტროს სახელმწიფო საქვეუწყებო დაწესებულება საქართველოს სასაზღვრო პოლიცია (მის: ქ. თბილისი, ს. კანდევალის ქუჩა N12, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 211356557), შემდგომში წოდებული „შემსყიდველად“, წარმოდგენილი საფინანსო-სამეურნეო უზრუნველყოფის სამმართველოს უფროსის ანტონ ბარამიძის სახით და მეორეს მხრივ შპს „მეტროლოგი“ (მის: ქ. თბილისი, ბ. ხმელნიცკის 181; ტელ: 2 700 800; საბანკო რეკვიზიტები: სს „თიბისი ბანკი“, ბანკის კოდი TBCBG22; ა/ა GE65 TB06 0000 0110 4675 47; საიდ. კოდი: 211 397 727) შემდგომში წოდებული „მიმწოდებლად“ წარმოდგენილი მისი დირექტორის ლევან ნანობაშვილის სახით, ორივე ერთად წოდებული როგორც „მხარეები“, ვმოქმედებთ, რა „სახელმწიფო შესყიდვების შესახებ“ საქართველოს კანონის შესაბამისად, 2018 წლის სახელმწიფო ბიუჯეტის დაფინანსების ფარგლებში შემსყიდველმა 19.02.2018 წელს გამოაცხადა ელექტრონული ტენდერი NAT180002794, CPV504 სამედიცინო და ზუსტი საზომი აპარატურის შეკეთება და ტექნიკური მომსახურების (ხელსაწყოების დაკალიბრება) შესყიდვაზე.

1. გამოყენებული ტერმინების განმარტებები

1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.1.2. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.1.3. "შემსყიდველი ორგანიზაცია" (შემდგომ "შემსყიდველი") - საქართველოს შინაგან საქმეთა სამინისტრო;

1.1.4. "მიმწოდებელი" - შპს „მეტროლოგი“.

1.1.5. „შესყიდვის ობიექტი“- წინამდებარე ხელშეკრულების მე-2 მუხლით გათვალისწინებული მომსახურება.

1.1.6. "დღე", "კვირა", "თვე" ნიშნავს კალენდარულ დღეს, კვირას, თვეს.

1.1.7. „ტექნიკური დოკუმენტაცია“ - მიმწოდებლის მიერ NAT180002794 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც წარმოადგენს ხელშეკრულების განუყოფელ ნაწილს.

1.2. ხელშეკრულებაში გამოყენებული სხვა ტერმინები უნდა განიმარტოს ხელშეკრულების შინაარსიდან და კონკრეტული კონტექსტიდან გამომდინარე, საქართველოს კანონმდებლობის შესაბამისად.

2. შესყიდვის ობიექტი

2.1 სამედიცინო და ზუსტი საზომი აპარატურის შეკეთება და ტექნიკური მომსახურების (ხელსაწყოების დაკალიბრება) შესყიდვა (CPV504).

3. შესყიდვის ღირებულება

3.1. ხელშეკრულების ღირებულება: 2 747 (ორიათას შვიდას ორმოცდაშვიდი) ლარი.

3.2. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, მათ შორის დღგ-ს.

4. ხელშეკრულების არსებითი პირობები

4.1. მიმწოდებელი იღებს ვალდებულებას გაუწიოს შემსყიდველს წინამდებარე ხელშეკრულებით გათვალისწინებული მომსახურება. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.

5. ხელშეკრულების მომედების ვადა

5.1. წინამდებარე ხელშეკრულება ძალაშია ამ დოკუმენტის თავში მითითებული თარიღიდან და მოქმედებს 2018 წლის 31 დეკემბრის ჩათვლით.

6. შესყიდვის ობიექტის ნაკლი

6.1. ხელშეკრულების მოქმედების ნებისმიერ ეტაპზე და ასევე მისი მოქმედების დასრულების შემდგომ, აღმოჩენილი ნაკლის არსებობის შემთხვევაში, მიმწოდებელი ვალდებულია შეტყობინების მიღებისთანავე გონივრულ ვადებში, მაგრამ არაუმეტეს 5 (ხუთი) კალენდარული დღის ვადაში გამოასწოროს ნაკლი, შემსყიდველის მხრიდან დამატებითი დანახარჯების გაწევის გარეშე.

6.2. მიმწოდებლის ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

7. მომსახურების გაწევის პირობები და ხარისხი

7.1. მიმწოდებელი ვალდებულია უზრუნველყოს ხელშეკრულებით გათვალისწინებული მომსახურების გაწევა 2018 წლის 30 ნოემბრამდე დანართი N1-ით განსაზღვრული პირობების შესაბამისად.

7.2. მომსახურების გაწევა უნდა განხორციელდეს, მოქმედი ყველა საჭირო ნორმების, სტანდარტებისა და წესების მოთხოვნების დაცვით.

8. უხარისხოდ გაწეული მომსახურება

8.1. მიმწოდებელი გაწეული მომსახურების ხარისხი უნდა შეესაბამებოდეს დადგენილ სტანდარტებს და წინამდებარე ხელშეკრულებით განსაზღვრულ მოთხოვნებს.

8.2. მიმწოდებელი ვალდებულია შეტყობინების მიღებისთანავე განახორციელოს უხარისხოდ გაწეული მომსახურების წუნის გამოსწორება და შეუსაბამოს ხელშეკრულებით გათვალისწინებულ მოთხოვნებს, შემსყიდველის მხრიდან დამატებითი დანახარჯების გაწევის გარეშე.

9. ხელშეკრულების შესრულების კონტროლი

9.1. ხელშეკრულების შესრულების კონტროლს განხორციელებს შესაბამისი უფლებამოსილი პირ(ებ)ი კერძოდ, შს სამინისტროს სახელმწიფო საქვეუწყებო დაწესებულება საქართველოს სასაზღვრო პოლიციის ავიაციის მთავარი სამმართველოდან გამოყოფილი შესაბამისი უფლებამოსილი პირი ან პირები.

9.2. ინსპექტირების ჯგუფი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ.

9.3. მიმწოდებელი ვალდებულია ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე.

9.4. მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა ხარვეზის ან ნაკლის აღმოფხვრა.

10. შესყიდვის ობიექტის მიღება-ჩაბარების წესი

10.1. შესყიდვის ობიექტის მიღება - ჩაბარება განხორციელდება ფაქტიურად გაწეული მომსახურების შესაბამისად.

10.2. შესყიდვის ობიექტის მიღება - ჩაბარებას განახორციელებს სათანადოდ გამოყოფილი უფლებამოსილი პირი - კერძოდ, შს სამინისტროს სახელმწიფო საქვეუწყებო დაწესებულება საქართველოს სასაზღვრო პოლიციის ავიაციის მთავარი სამმართველოდან გამოყოფილი შესაბამისი უფლებამოსილი პირი ან პირები.

10.3. შესყიდვის ობიექტის (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის, მათ შორის მომსახურების გაწევის პროცესში წარმოქმნილი ხარვეზის აღმოფხვრას საკუთარი ხარჯებით უზრუნველყოფს მიმწოდებელი.

11. ანგარიშსწორება

11.1. დაფინანსების წყარო - 2018 წლის სახელმწიფო ბიუჯეტი.

11.2. შემსყიდველი ვალდებულია აანაზღაუროს მიწოდებული შესყიდვის ობიექტის ღირებულება ხელშეკრულებით გათვალისწინებულ ვადაში და პირობებით.

11.3. უნაღდო - ანგარიშსწორების ფორმა - სტანდარტული.

11.4. ანგარიშსწორება მოხდება ლარებში;

11.5. ანგარიშსწორება შემსყიდველის მიერ მოხდება ფაქტიურად გაწეული მომსახურების მიხედვით. მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის გამოწერისა (კანონით დადგენილ შემთხვევაში) და წარმოდგენის შემდეგ არაუგვიანეს 10 სამუშაო დღის ვადაში. თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

11.6. მიმწოდებელი ვალდებულია ანგარიშ-ფაქტურაზე მიუთითოს წინამდებარე ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მიიღოს ანგარიშ-ფაქტურა.

11.7. ავანსი არ გამოიყენება.

12. ხელშეკრულებაში ცვლილებების შეტანა

12.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შეთანხმების გარდა.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. დაუშვებელია ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა, "სახელმწიფო შესყიდვების შესახებ" საქართველოს კანონის და სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა გათვალისწინებით.

12.4. ფასის გაზრდა შესაძლებელია საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში. ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

12.5. ხელშეკრულების ღირებულების შემცირება დასაშვებია ფაქტობრივად გაწეული მომსახურების ღირებულების გათვალისწინებით.

12.6. ხელშეკრულების პირობების ნებისმიერი ცვლილება, რომელიც განხორციელებულია ამ მუხლის მოთხოვნათა დაცვით, წარმოადგენს ხელშეკრულების განუყოფელ ნაწილს.

13. ხელშეკრულების პირობების შესრულებლობა (საჯარიმო სანქციები, ფორმა, ოდენობა და გადახდის ვადები)

13.1. ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შესრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

13.2. ხელშეკრულებით ნაკისრი ვალდებულებების შესრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

13.3. ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების 1%-ის ოდენობით.

13.4. საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

13.5. საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

13.6. ხელშეკრულების შეწყვეტის შემთხვევაში, მიმწოდებელს დაეკისრება ჯარიმა ხელშეკრულების საერთო ღირებულების 5%-ის ოდენობით, ხოლო იმ შემთხვევაში, თუ ტენდერში მიმწოდებლის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, მიმწოდებელს დაეკისრება ჯარიმა ხელშეკრულების საერთო ღირებულების 10%-ის ოდენობით.

14. ფორს-მაჟორი

14.1. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს

გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს საერთო სასამართლოს.

16. სხვა დებულებები

16.1 ხელშეკრულება შედგენილია ქართულ ენაზე ოთხი თანაბარი იურიდიული ძალის მქონე ეგზემპლარად.

16.2 ხელშეკრულება ძალაში შედის ხელმოწერისთანავე.

შემსყიდველი:

სასაზღვრო პოლიციის საფინანსო-სამეურნეო
უზრუნველყოფის სამმართველოს უფროსი

მიმწოდებელი:

შპს „მეტროლოგი“-ს დირექტორი



/ ა. ბარამიძე /



/ ლ. ნანოზაშვილი /

№	გაზომვის საშუალების დასახელება	გ.ს. ტიპი	სერიული ნომერი	განზ-ბა	რაოდ	ერთეულის ღირებულება (ლარი)	მიწოდების ვადა	მიწოდების ადგილი
1	დინამომეტრული ქანჩის გასაღები	(20-100 Nm) Art. 071471 22	2013/225261	ცალი	1	141	გაზომვის საშუალებების მიწოდებიდან 20 სამუშაო დღე	მიმწოდებლის მისამართი ქ. თბილისში (განისაზღვრება ხელშეკრულებით)
2	დინამომეტრული ქანჩის გასაღები	(60-300 Nm) Art. 071471 24	2013/117541	ცალი	1	141		
3	ტარიერბული ქანჩის გასაღები (CLICK WRENCHES WITH REMOVABLE RATCHET)	S.315DA 40-200 N.m	V090158	ცალი	1	141		
4	დინამომეტრული ქანჩის გასაღები	4-20N.m Art. 071471 20	2014/209362	ცალი	1	141		
5	ტარიერბული დინამომეტრული ქანჩის გასაღები	R.305DA 5-25 N.m	B090487	ცალი	1	141		
6	ტარიერბული ქანჩის გასაღები	8AT-9114-00 (300კგმ)	Γ890509	ცალი	1	199		
7	ტარიერბული ქანჩის გასაღები	20 კგ/სმ²	54416-03 021	ცალი	1	141		
8	ტარიერბული ქანჩის გასაღები	8AT-9102-130 (20 კგ/სმ²)	58022	ცალი	1	141		
9	ტარიერბული ქანჩის გასაღები	8AT-9103-00	306/182	ცალი	1	141		
10	ტარიერბული ქანჩის გასაღები	R.306-25D (5-25 N.m)	L2120309	ცალი	1	141		
11	ტარიერბული ქანჩის გასაღები	S.306-200 D (40-200 N.m)	H280091	ცალი	1	141		
12	მანომეტრი	MT (0-100კგ/სმ²)	3.268	ცალი	1	37		
13	მანომეტრი	MTII-160 (0-10კგ/სმ²)	1350049	ცალი	1	37		
14	მანომეტრი	MAW (0-25კგ/სმ²)	13820728	ცალი	1	37		
15	მანომეტრი	ОБМ1-100 (1,6კგ/სმ²)	568903	ცალი	1	37		
16	მანომეტრი	MA-10	839445	ცალი	1	37		
17	მანომეტრი	MA-100	0935K	ცალი	1	37		
18	მაჩვენებელი (ინდიკატორი)	ИЧ-10 (0-10mm)	748311	ცალი	1	28		
19	მაჩვენებელი (ინდიკატორი)	ИЧ (0-2mm)	7263	ცალი	1	28		
20	ინდიკატორი	ИРБ (0-0,8mm)	2132	ცალი	1	28		
21	საათის ტიპის ინდიკატორი	ИЧ (0-10mm)	215424	ცალი	1	28		
22	საათის ტიპის ინდიკატორი	ИЧ 0-2mm	8972	ცალი	1	28		
23	ტენზომეტრი	ИН 11 (0-100 kg)	81044	ცალი	1	98		
24	ვიბრაციის საზომი მოწყობილობის გადამწოდი (VIBRATION MEASURING KIT)	8816694000	42156567	კომპლექტი	1	495		
	აქსელერომეტრი (ACCELEROMETER)	9610017700	8324					
25	მულტიმეტრი/ MultimeterUT61C	UNI-T	1110129828	ცალი	1	155		
26	ინდიკატორი IT AND CLEARANCES DIAL COMPARATOR	703A94 0000 00 (BA 754370)	189	ცალი	1	28		
სულ ჯამი:						2747	ლარი	

საზომ საშუალებას გარედან მიკრული უნდა ჰქონდეს სტიკერი, სადაც მითითებული იქნება საზომი საშუალების ტიპი/მოდელი, საქარხნო ნომერი, დაკალიბრების თარიღი და შემდგომი დაკალიბრების თარიღი.

მიწოდების მიერ გაცემული უნდა იქნას დაკალიბრების შესაბამისი სერთიფიკატი. სერთიფიკატი უნდა შეიცავდეს შემდეგ ინფორმაციას: დაკალიბრების სერთიფიკატის გამცემი კომპანიის დასახელება და მისამართი; დაკალიბრების სერთიფიკატის ნომერი, სერთიფიკატის გაცემის თარიღი; შემდგომი რეკომენდირებული დაკალიბრების თარიღი; დაკალიბრებული საზომი საშუალების დასახელება, ტიპი/მოდელი, სერიული ნომერი; სანიმუშო ხელსაწყო დასახელება (ტიპი/მოდელი, სერიული ნომერი), რომლის გამოყენებით მოხდა დაკალიბრება; სერთიფიკატის გაცემაზე პასუხისმგებელი პირების ხელმოწერა; ორგანიზაციის ბეჭედი.

დაკალიბრებამ უნდა უზრუნველყოს გაზომვების სიზუსტე და უტყუარობა.

დასაკალიბრებლად წარდგენილი საზომი საშუალებების შედეგების მიხედვით გაცემული დაკალიბრების სერთიფიკატის ვადა უნდა იყოს არანაკლებ 1 წლიანი.

საფინანსო-სამეურნეო უზრუნველყოფის
სამმართველოს უფროსი

ა. ბარამიძე



შპს "მეტროლოგია"-ს
დირექტორი

ლ. ნანოზაშვილი